



Centralna izborna komisija o aferi s glasačkim listićima u dijaspori

CIK: Riječ je o orkestriranoj kampanji!

U Komisiji odbacuju bilo kakvu odgovornost i tvrde da su ispoštovali sve zakonske procedure

Centralna izborna komisija (CIK) BiH odbacila je bilo kakvu odgovornost za navode o pojavi dostavljanja glasačkih listića u paketima, umjesto na pojedinačne adrese bh. biračima u inozemstvu, o čemu su se ovih dana pojavile informacije u medijima. Na jučerašnjoj sjednici u Sarajevu, tokom rasprave o ovom problemu članovi CIK-a izrazili su sumnju u istinitost ovih navoda te su ih čak nazvali „orkestriranom kampanjom protiv CIK-a“.

Stjepan Mikić, predsjednik CIK-a, kazao da je ustanovljeno da nije bilo propusta



S jučerašnje sjednice: Odbacuju odgovornost

(Foto: F. Fočo)

Komisije pri distribuciji glasačkih listića namijenjenih dijaspori, od štamparije, preko skladišta, pa do „BH Pošte“.

- Šta se dalje dešavalo i dali je bilo povreda, mi nismo

mjerodavni da ocjenjujemo. To nije naš posao, već policijskih agencija koje će utvrditi je li bilo eventualnih prekršaja i prekršitelja - kazao je Mikić.

U tom smislu, Tužilaštvu BiH i Agenciji za istrage i zaštitu (SIPA) BiH bit će dostavljena kompletna informacija u vezi s ovim problemom. Mikić je kazao i da je SIPA obavijestila CIK da je zaprimila prijavu jednog kandidata za člana Predsje-

dništva te paket s glasačkim listićima sa 54 pošiljke s glasačkim listićima.

Ocijenio je da je tim biračima uskraćeno pravo da glasaju putem pošte, ali da su „svi oni na Centralnom biračkom spisku i da mogu doći u zemlju i glasati“.

Branko Petrić, član CIK-a, istakao je da je još u maju, nakon raspisivanja općih izbora za 12. oktobar, upozoravao da je naslutio kako „postoji neko ko se trudi da obezvrijedi i sabotira izbore fabrikujući afere i proizvođači gluposti i laži“.

Članovi CIK-a jučer se nisu bavili informacijom o videosnimkama, naročito iz Sjedinjenih Američkih Država, objavljenima na internetu, a kako saznaje „Avaz“, dostavljenima i Komisiji, na kojima je jasno vidljivo da jedan birač u dijaspori dobiva paket s desetina pošiljki adresiranih na primaoca u više od 20 američkih država.

S. DEGIRMENDŽIĆ

Uništeno sito sa izbora 2012.

U CIK-u tvrde da je priča o glasačkim listićima u dijaspori isfabricirana, poput, kako su kazali, one „s izborom firme za štampanje glasačkih listića i sita za vo-

deni žig koji je bio na čuvanju kod kompanije „Neograph“ iz Praga, inače korištenog na izborima 2012. godine, za koju se špekuliralo da može biti zloupotrijebljen na

predstojećim izborima. Mikić je kazao da je s Irenom Hadžiabdić, članicom Komisije, boravio u Pragu, gdje je u firmi „Neograph“ prisustvovao uništavanju spornog sita.